

Dankbar si

Jedes Johr wenn's wieder wärmer
wird, ziehts mi use us em Huus.
Mues go luege, has vo früecher
glehrt, alles gseht so fröndlich us

d'Schneeglöggli blüeje vor em Huus,
d'Schwäbeli sind ja au scho cho.
Lueg wie schön, muesch es gseh,
jo de Früehlig macht mi eifach froh.
Üsem Schöpfer wei mer dankbar si

Jodel

Jede Morge chöi mir gsund ufstoh,
hei all Tag e deckte Tisch. Lueg au
witer und dänk drüber no,
das ned überall au so isch.

S'git ou Ziite heschs im Läbe
schwär, s'wot der nüt me glinge.
Ja, e Fründ muesch jetz ha, wo
der Freud cha zrugg bringe
Allne Fründe wei mir dankbar si

Jodel

Ziit vergaht, es isch ja chum z'verstah,
da chasch nüd entgäge ha
Älter wirsch, die Junge chöme na,
darfsch es jetz chli ruhiger ha

I mim Läbe hani viel erreicht,
möchte jetz d'Wält ou no chli gseh
und derbii G'sundheit ha,
säg, was wott i de im Läbe no me.
I darf z'friede und ou dankbar si.

Jodel